

2018 yil "02" mart № 283

Farg'ona shahri

Ўзбекистон Республикаси Президентининг 2018 йил 23 февралдаги ПҚ-3564-сонли ҳамда вилоят ҳокимининг 2018 йил 28 февралдаги 110-сонли қарорлари тўғрисида

Она табиатни севиш ва ардоқлаш, ҳаёт гултожи бўлмиш инсонни кадрлаш, Ватанга муҳаббат ва садоқат каби эзгу ғояларни ўзида мужассам этган Наврўз халқимизнинг энг қадимий, асл миллий байрамдир. Асрлар давомида эл-юртимизнинг олийжаноб орзу-интилишларини ифода этиб келаётган Наврўз мустақиллик йилларида янгича маъно-мазмунга эга бўлиб, том маънода умумхалқ байрамига айланди.

Наврўз байрамнинг беқиёс ижтимоий-маънавий аҳамиятини ҳисобга олиб ва қутлуғ айёмни юксак савияда нишонлашга қаратилган Ўзбекистон Республикаси Президентининг 2018 йил 23 февралдаги "2018 йилги Наврўз умумхалқ байрамига тайёргарлик кўриш ва уни ўтказиш тўғрисида"ги ПҚ-3564-сонли ҳамда вилоят ҳокимининг 2018 йил 28 февралдаги 110-сонли қарорлари ижросини таъминлаш мақсадида

ҚАРОР ҚИЛАМАН:

1. Ўзбекистон Республикаси Президентининг 2018 йил 23 февралдаги "2018 йилги Наврўз умумхалқ байрамига тайёргарлик кўриш ва уни ўтказиш тўғрисида"ги ПҚ-3564-сонли ҳамда вилоят ҳокимининг 2018 йил 28 февралдаги 110-сонли қарорлари раҳбарлик ва ижро учун қабул қилинсин.

2. Мазкур қарорлар билан:

2018 йилги Наврўз умумхалқ байрамига тайёргарлик кўриш ва уни ўтказиш бўйича Республика ҳамда вилоят ташкилий қўмига таркиби тасдиқланганлиги;

Ташкилий қўмига Наврўз байрамини пойтахтимиз Тошкент шаҳрида, Қорақалпоғистон Республикаси ва вилоятлар марказларида, барча шаҳар, туман, қишлоқ ва овулларда умумхалқ сайллари шаклида юқори даражада ўтказишга қаратилган, "Азиз ватандошлар, ҳар кунингиз Наврўз бўлсин!" деган ғояни ўзида мужассам этган ташкилий-амалий, маданий-маънавий ҳамда тарғибот-ташвиқот ишлари дастурини ўн кун муддатда ишлаб чиқиши ва амалга ошириши;

Мазкур дастурни тайёрлашда қуйидаги масалаларга алоҳида эътибор қаратилиши:

Наврўз муносабати билан инсон ўзини табиат фарзанди, унинг ажралмас бир қисми деб ҳис этишини ифода этадиган, атроф-муҳитни, она-заминни

асраб-авайлашга, бугунги тинч, эркин ва фаровон ҳаётни қадрлаб, уни химоя қилиб яшашга қўлайдиган маънавий-маърифий тадбирларни ташкил қилиш; барча шаҳар ва қишлоқларда Наврўзнинг тарихи, мазмуни ва фалсафасини, ушбу байрамни ўтказиш билан боғлиқ урф-одаглар, қадрият ва анъаналарнинг моҳияти ва аҳамиятини ўзида мужассам этган оммавий сайллар ўтказиш;

Наврўз кунларида ёрдамга муҳтож инсонлар, кексалар, ногиронлар ва кам таъминланган оилалар ҳолидан хабар олиш, уларга бегараз кўмак бериш, жамиятда ўзаро ҳурмат, дўстлик ва ҳамжиҳатликни қучайтиришга қаратилган савоб ишлар, хайрия тадбирлари ва оммавий ҳашарларни амалга ошириш;

Қорақалпоғистон Республикаси, вилоятлар ва Тошкент шаҳрида бўлиб ўтадиган сайлларга фольклор-этнографик гуруҳлари ва ансамбллари, таниқли санъаткорлар, хаваскор хонанда ва созандалар, бахшилар, аскиячи ва қизқичилар, дорбозларни, ёш ижрочиларни кенг жалб этиш;

халқ сайллари дастурларини тайёрлашда халқона ўйинлар, фольклор санъатининг энг яхши намуналарига кенг ўрин бериш, ҳунармандлик кўргазмаларини ташкил этиш, ибратли оила, ибратли маҳалла, ибратли мактаб, моҳир бахши, моҳир лапарчи йўналишлари бўйича кўрик-танловлар ўтказиш, адабий-бадний учрашувлар, китоб байрамларини ташкил этиш;

шунингдек, ўтказиладиган байрам тадбирлари Қорақалпоғистон Республикаси бюджет, вилоятларда маҳаллий бюджетлар ҳамда жойлардаги ҳомийлик хайриялари ҳисобидан;

Тошкент шаҳрида республика бюджет ва Тошкент шаҳар маҳаллий бюджет маблағлари ҳисобидан тенг улушларда қолганини маълумот учун қабул қилинсин.

3. 2018 йилги Наврўз умумхалқ байрамига тайёргарлик кўриш ва уни ўтказиш бўйича шаҳар комиссияси таркиби иловага мувофиқ тасдиқлансин.

4. Шаҳар комиссияси (Ш.Полвонов, Д.Омонов, Д.Ходжаева) Наврўз байрамини шаҳар марказида умумхалқ сайллари шаклида юқори даражада ўтказишга қаратилган, "Азиз ватандошлар, ҳар кунингиз Наврўз бўлсин!" деган ғояни ўзида мужассам этган ташкилий-амалий, маданий-маънавий ҳамда тарғибот-ташвиқот ишлари дастурини беш кун муддатда ишлаб чиқсин ва амалга оширсин.

5. Шаҳар комиссияси (Ш.Полвонов, Д.Ходжаева) томонидан шаҳарда Наврўз байрамига бағишлаб аҳолининг кенг қатламлари ўртасида маърифий учрашувлар, очик мулоқот ва суҳбатлар, ижодий кечалар ўтказиш мақсадида таниқли олимлар, ижодкор зиёлилар ва санъаткорлардан иборат маънавий-маърифий тарғибот гуруҳлари ташкил этилсин ҳамда уларнинг аниқ режа асосида фаолият олиб бориши таъминлансин.

6. Шаҳар ҳокимининг ўринбосари Ш.Полвоновга:

Маданият бўлими (Д.Қорабоев), Маънавият ва маърифат маркази шаҳар бўлими (А.Сойибназаров) қорхона ва ташкилотлар билан биргаликда шаҳар марказида ўтказиладиган байрам дастурларини тайёрлашга оммавий томошалар бўйича юксак маҳорат ва тажрибага эга бўлган сценарист ва режиссёрлар, ёзувчи ва шoirлар, композитор ва бастакорлар, балетмейстерлар, сахна рассомлари, истеъдодли ёш ижрочилар, фольклор санъати вакиллари билан иборат ижодий гуруҳларни кенг жалб этиш.

байрам сайлларини барча маҳаллаларда юкори савияда, об-хаво шароитини ҳисобга олган ҳолда ташкил этиш юзасидан тadbирлар режасини ишлаб чиқиш ва амалга оширишни таъминлаш;

март-апрел ойларида ободонлаштириш ва кўкаламзорлаштириш ойлгини ташкил этиш ҳамда бу борадаги ишлар энг яхши йўлга қўйилган маҳаллалар тажрибасини оммалаштириш;


Саҳоват, Мурувват уйлари, кам таъминланган оилалар ва ногирон шахсларга моддий ёрдам кўрсатиш ишларини ташкил этиш вазифалари юклансин.

8. Шаҳар Ички ишлар бошқармаси (Х.Салиев), Тиббиёт бирлашмаси (Х.Мамажоновларга шаҳарда ўтказиладиган байрам сайлларида тез тиббий ёрдам кўрсатиш, йўл ҳаракати хавфсизлиги ҳамда жамоат тартибини сақлаш чораларини кўриш вазифаси юклатилсин.

9. "Рухсор" телерадиокомпанияси (Н.Асқаров), "Фарғона тонги" газетаси (Р.Орипов)га бошқа оммавий ахборот воситаларига Наврўз умумхалқ байрамига тайёргарлик кўриш ва уни ўтказиш бўйича амалга ошириладиган ишларни атрофлича ёритиб бориш тавсия этилсин.

10. Мазкур қарорнинг бажарилишини назорат қилишни ўз зиммамда қолдираман.

Шаҳар ҳокими



Ш.Эркабоев

Шаҳар ҳокимининг
2018 йил 28 мартдаги
183-сонли қарорига
илова

2018 йилги Наврўз умумхалқ байрамига тайёргарлик кўриш ва уни ўтказиш бўйича шаҳар комиссияси ТАРКИБИ

Ш.Эркабоев
У.Каримов

- Шаҳар ҳокими, шаҳар комиссияси раиси
- Шаҳар ҳокимининг биринчи ўринбосари, шаҳар комиссияси раисининг ўринбосари

Ш.Полвонов

- Шаҳар ҳокимининг ўринбосари, шаҳар комиссияси раисининг ўринбосари

Д.Омонов

- Шаҳар ҳокимининг ўринбосари, шаҳар комиссияси раисининг ўринбосари

Д.Ходжаева

- Шаҳар ҳокимининг ўринбосари, шаҳар комиссияси раисининг ўринбосари

Д.Қорабоев

- Маданият бўлими бошлиғи

Х.Солиев

- ИИБ бошлиғи

А.Ғаниев

- Молия бўлими бошлиғи

Ф.Саҳибова

- Халқ таълими бўлими мудираси

Н.Аҳмедова

- Мақтабача таълим бўлими бошлиғи

Ф.Абдиллазов

- Ўзбекистон ёшлар иттифоқи шаҳар кенгаши раиси

А.Сойибназаров

- Маънавият ва маърифат тарғибот маркази шаҳар бўлими бошлиғи

Т.Исаков

- "Маҳалла" ХЖФ шаҳар бошқаруви раиси

Б.Ҳомидов

- "Нуруний" жамғармаси раиси

Х.Мамажонов

- Тиббиёт бирлашмаси бошлиғи